

事紀略

遵化通志卷五十九

案各志皆列祥異一門今依編年之例兼重紀事凡有關州境沿革建置政典兵事見於經史各書者以年代爲序撮要爲綱詳敘爲目辨證論註加以案語引據書冊分註於下然皆臚列事實無取瞻徇褒刺歷代祥異即夾敘其間但以一時編輯往古多闕近事亦未能詳備僅就耳目所及略具梗概繼此續輯因事引伸或亦於史例有合云

周

己卯武王十三年封召公奭於北燕史記燕世家

案劉志燕之名始此

己癸靈王四年分燕爲無終國

案劉志沿革紀此未詳何所引據

土辰簡王十八年無終子嘉父使孟樂如晉

無終子使孟樂孟樂如晉因魏莊子納虎豹之皮以請和
諸戎晉侯曰戎狄無親不如伐之魏絳對曰和我有五利
焉戎狄薦居貴貨易土土可賈焉一也邊鄙不聳民狎其
野穡人成功二也戎狄事晉四鄰振動諸侯威懷三也以
德綏戎師徒不勤甲兵不頓四也鑒于後羿而用德度遠
至邇安五也公說使魏絳和諸戎左傳襄公四年

庚申景王四年晉荀吳敗無終及羣狄于大原大音泰

中行穆子敗無終及羣狄于大原崇卒也將戰魏舒曰彼
徒我車所遇又阨以什共車必克因諸阨又克請皆卒自
我始乃毀以為行五乘為五陳以相離兩於前伍於後專
為右角參為左角偏為前拒以誘之翟人笑之未陳而薄
之大敗之左傳昭公元年

案劉志是時有無終子修真洞中不知所終

燕築長城置右北平郡

燕築長城自造陽至襄平置上谷漁陽右北平遼西遼東

郡史記匈奴列傳

案綱目集覽漁陽郡東南七里有北平城即漢右
北平也又案昭王立於赧王三年置郡紀年無考

三
三十六年燕君平卒

綱目

案九州記古漁陽北無終山上有燕昭王墓劉志燕昭王墓在城南無終山上

秦

庚辰始皇二十六年分天下為三十六郡郡置守尉丞

綱目

仍置右北平郡

水經注

案綱目集覽郡守掌治郡城尉掌佐守典武職甲卒

監御史掌監郡

亥三十三
三年蒙恬築長城

綱目

案明陳元錫評曰秦築長城起臨洮至遼東皆七國時築秦時繕之耳秦邊隴西北地上郡趙邊代陰山高門是以有雲中雁門代郡燕邊造陽至襄平是以

有上谷漁陽右北平遼東西諸郡及秦并六國又取匈奴河南之地因河爲塞而繕長城皆因六國之舊也齊亦有長城今肥城平陰界中有其故址乃盡歸之秦秦冒榮名豈有既乎

乙未燕王廣四年二月項籍徙廣爲遼東王都無終

綱目

先是趙王武臣使韓廣略燕地廣自立爲燕王至是由薊徙都無終廣不肯之遼東燕王臧荼殺之并其地

案乙未楚義帝西楚霸王漢王皆元年也事在燕地故用燕紀年綱目無統之例也

丁酉燕王荼三年冬十月漢韓信破趙遣使下燕

案傳志州南五十里靈應山寺碑有岩曰攻書室爲韓信讀書處至今有石案石硯考史記淮陰侯列傳

信破趙後用李左車計遣辨士奉書於燕暴其所長
燕從風而靡遣使報漢是信未嘗將兵伐燕何由至
此山乎

漢

癸丑武帝元朔元年詔拜李廣右北平太守

匈奴入寇詔拜李廣右北平太守匈奴號曰飛將軍數歲
不敢入邊

紀元狩元年遣將軍李息張次公出右北平擊匈奴

輿元狩二年匈奴入右北平遣衛尉張騫郎中令李廣出右
北平擊之

趙

乙酉更始三年遣兵討之大破尤來於俊靡

蕭王引軍還薊遼吳漢耿弇景丹等十三將軍追尤來大破之至僕麋而還

後漢

光武帝建武三年彭寵自稱燕王攻拔右北平上谷數縣寵自稱燕王攻拔右北平上谷數縣

己建武二十有一年烏桓與匈奴鮮卑寇右北平等五郡烏桓與匈奴鮮卑連兵寇代代郡上谷漁陽右北平遼西五郡百姓逃亡邊陲蕭條無復人迹帝遣馬援與謁者分築堡塞稍興立郡縣或空置太守令長招還人民

配建武二 有五年遼東徼外貊人寇右北平漁陽上谷

遼東徼外貊人寇右北平漁陽上谷遼東太守祭彤招降之

癸明帝永平十有六年遣騎都尉來苗護烏桓校尉將上谷
漁陽右北平等郡兵伐北匈奴

辛和帝永元十有三年鮮卑寇右北平遂入漁陽漁陽太守
擊破之

乙元興元年發上谷漁陽右北平遼西烏桓討遼東貊人
配安帝永初三年漁陽烏桓與右北平胡代郡上谷涿郡
兩桓帝延熹九年鮮卑自分其地爲三部

右北平以東爲東部以西爲中部上谷以西爲西部各置
大人領之

丁靈帝中平四年遣中郎將孟益率公孫純等討漁陽賊張
純戰於石門大破之

案州西石門鎮有將軍廟祀孟益純像有碑記

詳古蹟志寺觀

意純或公孫瓚族人歟特史傳未列其名

己巳六年幽州牧劉虞留公孫瓚屯右北平

虞討張純純客王攻斬純首送虞餘眾降散乃罷諸屯兵但留瓚屯右北平

癸酉獻帝初平四年領冀州牧袁紹軍薄落津

案畿輔李志謂津在州西今未詳處所

丁亥建安十有二年司空冀州牧曹操征烏桓五月軍次無終遣使辟田疇署司空戶曹掾

疇無終人嘗爲劉虞使長安得報馳還劉已爲公孫瓚所害疇至謁祭虞墓陳發章表哭泣而去遂入徐無山中

玉田縣東北

營深險平敞地而居躬耕以養父母百姓歸之數

年五千餘家疇謂其父老願推擇賢長爲之主僉推疇疇

乃爲約束相殺傷犯盜爭訟之法二十餘條又制爲婚姻
嫁娶之禮興舉學校教授之業眾皆便之至道不拾遺北
邊翕然服其威信烏丸鮮卑各遣使入貢悉撫納令不爲
寇常忿烏丸昔多賊殺其郡冠蓋有欲討之意而力未能
操北征烏丸先遣使辟疇又命田預喻指遂隨使者到軍
隨軍次無終時方夏雨水濱海沕下淹滯不通虜遮守蹊
要軍不得進操問疇疇曰此道秋夏每常有水淺不通車
馬深不載舟船舊北平郡治在平岡故城在今承德府道
出盧龍達柳城今建昌城建武以來陷壞繼絕尙有微徑今虜
以大軍由無終不得進而退若嘿回軍從盧龍口越白檀
之險平泉州界出空虛之地路近而便操令疇將其眾爲鄉導
上徐無山出盧龍厯平岡登白狼堆平泉州界涉鮮卑庭東指

柳城未至二百里虜乃驚覺

并詳別傳

案近畿學校禮教賴疇漸開列祀鄉賢宜其千秋血食也所陳形勢以道里考之盧龍口當指喜峰口言之即今由州達平泉州驛路

晉

戊寅元帝太興元年鮮卑段匹磾自薊奔喪至右北平其叔父涉復辰發兵拒之

鮮卑段氏自務勿塵據有遼西之地匹磾並據薊城其兄遼西公疾陸眷卒其叔父涉復辰自立匹磾奔喪至右北平其弟末杯宣言匹磾之來欲爲篡也涉復辰發兵拒之末杯龔殺涉復辰自稱單于迎擊匹磾敗之匹磾走還薊辛巳四年後趙石虎攻薊執匹磾不屈殺之幽冀皆入於後趙

五代

戊辰梁主朱昱開平二年盧龍節度劉守光其兄守文戰於玉田守文敗還以守光爲燕王

守光自稱節度使囚其父仁恭於別室梁以守光爲盧龍節度使其兄守文來攻幽州守光求救於晉晉主遣兵助之守文兵至蘆臺軍爲守光所敗又戰玉田亦敗守文乃還

案戊辰晉主李存勗稱唐天祐五年玉田隸盧龍節度使應用梁紀年

己巳二年梁以劉守光爲燕王

辛未梁乾化元年秋八月燕王劉守光稱帝

守光稱帝國號燕改元應天受冊之日契丹陷平州燕人

驚擾

樓士田時在燕境

癸酉燕主守光應天三年盧龍巡屬皆入於晉

晉王攻燕城克之擒仁恭守光帥妻子亡去爲人擄送晉軍

案癸酉晉稱唐天祐十一年

癸未後唐莊宗元年契丹攻幽州

契丹遣使就唐主求幽州以處盧文進時東北諸夷皆役屬契丹謀入寇遣將禿餒及盧文進據營平等州

癸卯二十二年春旱二麥不登

是年二月有黑風驟起自申至旦火色徧地流滾玉田志

戊申二十七年大饑劉志

庚寅二十九年大水玉田志

辛亥三十年秋蝗劉志

乙卯三十四年詣達自鮎魚石入侵馬蘭峪方輿紀要

己未三十八年夏白氣如練衝箕尾三月始滅玉田志

大清兵入古北口方輿紀要

庚申三十九年春潦秋旱蝗劉志

辛酉四十年旱蝻生米價騰貴

壬戌四十一年大有秋玉田志

丁卯 穆宗隆慶元年修玉田縣城增三尺玉田謝志
戊辰 二年三月地震有聲玉田夏志作二四月復震
己巳 三年六月邊關旗桿火出自焚劉志
庚午 四年正月五色雲見自未至中方散玉田夏志作初八日
辛未 五年大水玉田夏志